

## **Y GIST GYMUNEDOL**

### **Menter gan Gyngor Chwaraeon Cymru ar gyfer Chwaraeon Cymunedol a Gweithgarwch Corfforol.**

Mae'r Gist Gymunedol yn cynnig grantiau o hyd at £1,000 ar gyfer gweithgareddau sydd yn:

- annog mwy o bobl i fod yn fwy egniol yn amlach
- codi safon y gweithgareddau presennol

Y ffurflen gais yw eich cyfle chi i ddweud wrthym ni am eich prosiect a pham fod ei angen. Dylech gynnwys yr holl wybodaeth berthnasol a bod yn realistig ynghylch yr hyn yr ydych yn ceisio ei gyflawni.

Os ydych angen cymorth i gwblhau eich cais, cysylltwch â Swyddog Cist Gymunedol eich Awdurdod Lleol.

### **Pwy all wneud cais am grant?**

Mae'r cynllun yn agored i unrhyw grwp sy'n dymuno trefnu gweithgareddau'n ceisio cael mwy o bobl i fod yn fwy egniol yn amlach. Gall hyn olygu gweithgareddau newydd neu godi safon y gweithgareddau presennol.

Mae'n rhaid i'r grwp feddu ar gyfrif banc yn enw'r sefydliad.

### **Pwy all ddim gwneud cais am grant?**

Nid yw'r cynllun yn agored i aelodau unigol o'r cyhoedd, ysgolion cynradd neu cyrff cysylltiol yn trefnu gweithgareddau ar gyfer plant, nac ysgolion uwchradd sy'n cymryd rhan yn y cynllun 5x60.

## **Hefyd, ni ellir cyllido'r gweithgareddau a ganlyn:**

- Gweithgareddau corfforol fel garddio, DIY, gwelliannau amgylcheddol, dawnsio perfformiad neu sgiliau syrcau
- Y gweithgareddau sy'n bodoli eisoes
- Gweithgareddau prif lif a gyllidir gan lywodraeth ganolog neu leol
- Prosiectau a ystyrir yn rhan o gostau rhedeg arferol o ddydd i ddydd sefydliad.

Os oes gennych unrhyw amheuaeth, cysylltwch â Swyddog Cist Gymunedol yr Awdurdod Lleol.

## **Am beth fydd y grant yn talu?**

Ystyrir costau cysylltiedig â sicrhau bod y prosiect yn llwyddiannus.

Fel rheol, dim ond ar gyfer yr 20 sesiwn cyntaf yn y prosiect y darperir cymorth grant, wedi hynny, mae disgwyl i'r prosiectau fod yn hunangynhaliol. Er mwyn sicrhau hyn, mae'n ddoeth ystyried sut fyddwch yn cyllido'r prosiect wedi i arian y grant gael ei wario.

## **Am beth na fydd y grant yn talu?**

- Cefnogaeth ariannol i unigolion
- Eitemau personol o ddillad, offer neu git
- Costau gweinyddu parhaus
- Arlwyo a lletygarwch
- Medalau, tystysgrifau neu dlysau
- Teithiau cartref neu dramor
- Costau newid, atgyweirio neu gynnal a chadw offer presennol

